

tate alia roboratis statutis, & consuetudinibus, privilegiis quoque, indultis, & literis Apostolicis sub quibuscumque tenoribus, & formis, ac cum quibusvis clausulis, & decretis in genere, vel in specie, ac alias in contrarium quomodolibet concessis, approbatis, & innovatis. Quibus omnibus, & singulis etiam si illis, eorumque totis tenoribus, specialis, specifica, expressa, & individua mentio, seu quævis alia expressio habenda foret, illorum tenores præsentibus pro expressis habentes, illis alias in suo robore permanens, hac vice dumtaxat specialiter, & expresse derogamus, caterisque contrariis quibuscumque.

Dat. die 9. Apr. 1668. An. I.  
Datum Romæ apud S. Petrum sub Anulo Piscatoris die 9. Aprilis 1668. Pontificatus nostri Anno I.

LVI.

Ex Regest. in Sect. Breve.  
Damnatio, & prohibitio Libri Gallico idiomate impressi sub titulo Rituali pro Diocesi Aleten. ex juxta minutam transmissam a R. P. D. Assessore Sancti Officii, cui adjecta est clausula, ut præfens Breve publicet Romæ in locis solitis, ac sic publicatum efficiat perinde, ac si unicuique personaliter intimatum fuisset, utque transumptis fides habeatur sicut originali.

CLEMENS PAPA NONUS

Ad futuram rei memoriam.

Procurator.  
Credite Nobis divinitus omnium Ecclesiasticæ disciplinæ, cujus custodes a Domino constituti sumus, ubique conservandæ jugiter incumbentes, omni cura, atque vigilantia præcavere studeamus, ne quid in eam irrepat, quo quomodolibet turbari, aut a præscriptis Ritibus aberrare, & via erroribus aperiri possit.

Motiva.  
§.1. Cum itaque, sicut Nobis innotuit, anno proxime elapso Typis impressus, ac in lucem Parisiis editus fuerit Gallico idiomate liber, cui titulus est: *Rituel Romain du Pape Paul V. a l'usage du Diocèse d'Alet, avec les Instructions, & les Rubriques en François*, in quo non solum continentur nonnulla ab ipso Rituali Romano jussu felicis recordationis Pauli Papæ V. Prædecessoris nostri editi, aliena, sed etiam doctrinæ quædam, & propositiones falsæ, singulares, in praxi periculose, erroneæ, & consuetudini in Ecclesia communiter receptæ, atque Ecclesiasticis Constitutionibus oppositæ, & repugnantes, quarum usu, & lætione Christiani fideles in jam damnatos errores sensim induci, ac pravis opinionibus infici possent: Nos opportunum huic malo remedium adhibere volentes, motu proprio, & ex certa scientia, ac matura deliberatione nostris, librum sub titulo Rituali Gallico idiomate editum præfatum,

autoritate apostolica, tenore præsentium omnino damnamus, reprobamus, & interdiciamus, ac pro damnato, reprobato, & interdicto haberi volumus, ejusque impressionem, lætione, retentionem, & usum universis, & singulis utriusque sexus Christianis fidelibus, præsertim Civitatis, & Diocesis Aleten., cujuscumque gradus, conditionis, dignitatis, & præminentie existant, licet de illis specialis, & individua mentio habenda foret, sub poena excommunicationis latæ sententiæ ipso facto incurrendæ perpetuo prohibemus; Mandantes, ut statim quicumque illum habuerint, vel in futurum quomodocumque habebunt, locorum Ordinariis, vel Inquisitoribus, qui vero Ven. Fratri Episcopo Aleten. subsunt, Metropolitanis, aut uni ex vicinioribus Episcopis realiter, & cum effectu exhibeant, tradant, & consignent, qui, nulla interposita mora, exemplaria sibi tradita, & alia quæcumque habuerint igne comburant, & comburri faciant: in contrarium facien. non obstantibus quibuscumque.

§.2. Ut autem præfentes literæ ad omnium notitiam facilius deveniant, volumus, & auctoritate prædicta decernimus, illas ad valvas Basilicæ Principis Apostolorum, & Cancellariæ Apostolicæ, ac in acie Campi Floræ de Urbe per aliquem ex Curforibus nostris publicari, ac illarum exempla ibidem affixa relinqui, illasque sic publicatas, omnes, & singulos quos concernunt perinde efficere, & arctare, ac illorum unicuique personaliter notificatæ, & intimatæ fuissent; Ipsarum vero præsentium literarum transumptis, seu exemplis, etiam impressis, manu alicujus Notarii publici subscriptis, & sigillo persone in Ecclesiastica dignitate constitutæ munitis, eandem fidem in judicio, & extra illud haberi, quæ eisdem præsentibus haberetur, si forent exhibitæ, vel ostensæ.

Datum Romæ apud S. Petrum sub Anulo Piscatoris die 9. Aprilis 1668. Pontificatus nostri Anno I.

LVII.

Confirmatio Congregationis super statu Regularium, ejusque facultatum.

CLEMENS PAPA NONUS

Ad perpetuam rei memoriam.

Exordium.  
Injuncti Nobis coelitus pastoralis muneris ratio postulat, ut paternam virorum regularium, qui abnegantes semetipsos Altissimi obsequiis sese sub suavi Religionis jugo devoverunt, sollicitudinem gerentes, ea, quæ pro felici eorum statu conservando, restituendaque, sicubi excidit, regulari disciplina, ac juvenandis laudabilibus eorum studiis, atque progressibus a Romanis Pontificibus Prædecessoribus nostris provide constituta esse noscuntur, Aposto-

Damnatio, & prohibitio libri, prout in Rubrica.

Affixio Constitutionum, mandatur.

Transumptis fides.

Dat. die 9. Apr. 1668. An. I.

lici muniminis nostri præsidio roboremus, & alias desuper provideamus, sicut ad Omnipotentis Dei Gloriam, Religionis incrementum, ac spirituales Fidelium ædificationem salubriter in Domino expedire arbitramur.

Innoc. X. Congreg. constituit.

§.1. Cum itaque dudum fel. record. Innocentius Papa X. Prædecessor noster Congregationem nonnullorum S. R. E. Cardinalium, ac Romanæ Curie Prælatorum, super statu Regularium instituerit, ipsique Congregationi sic institutæ intra fines Italiæ, & Insularum adjacentium designandi, ac deputandi pro Novitiis, & Professoriis Conventus, Monasteria, Collegia, ac Domo quoruncumque Monachorum, ac Regularium virorum cujusvis Ordinis Mendicantium, Congregationis, Societatis, & Instituti etiam necessario exprimendi, & hujusmodi Novitiatus, & Professoria mutandi, transferendi, suspendi, & supprimendi, prout utilitas, & necessitas postulare, & exigeret, dandi licentias Superioribus Regularibus, ad quos pertinet, recipiendi in Novitiis sic deputatis Novitios ad habitum, & Professionem sub regulis, & formulis ab eadem Congregatione jam præscriptis, seu præscribendis, præfigendi, seu taxandi numerum Religiosorum in singulis Conventibus, Monasteriis, Collegiis, & Domibus Regularium virorum, eumque pro modo reddituum augendi, & minuendi, exequendi Constitutionem ejusdem Innocentii Prædecessoris, quæ incipit, *Instituenda*, &c. editam Idibus Octobris Anno Incarnationis Domini 1652. Pontificatus sui Anno Nono, necnon ipsius Innocentii Prædecessoris decretum, quod incipit: *Ut in pravis*, &c. Editum die 10. Februarii 1654., & decidendi controversias emergentes inde, ac demum promovendi executionem, & observantiam Decretorum rec. mem. Clementis Papæ VIII. Prædecessoris pariter nostri super reformatione Regularium, & potissimum quæ pertinent ad institutionem, & educationem Novitorum, & in præmissis omnibus etiam poenis, & censuris Ecclesiasticis procedendi facultates attribuerit.

De decretis Congregationis quatuor.

§.2. Nos considerantes Congregationem prædictam strenuè quidem, & fideliter, ac magno cum fructu in Ecclesia Dei hæcenus laborasse, sed ex Cardinalibus Congregationem ipsam constituentibus, de quorum numero antequam ad Supremi Apostolatus apicem divina dispositione assumere mur, eramus, solos de præfenti superesse Venerabiles Fratres nostros Martium Portuensem Ginnetum, ac Uldericum Tusulanum Episcopos Carpineum, & dilectum filium nostrum Marcellum Presbyterum S. R. E. Cardinales Sancti Crucium nuncupatos; ex Præfatis autem nonnullos quidem ad Cardinalatus honorem promotos fuisse, alios vero ab humanis decessisse, solo superante dilecto filio Magistro Prospero Fagnano in utraque Signatura nostra Referendario, qui ejusdem Congregationis Secretarius existit; alios

tum Cardinales, tum Prælatos sapientia, prudentia, doctrina, charitate, integritate, & religionis zelo eximie præditos in dictam Congregationem censuimus in Domino cooptandos.

§.3. Motu itaque proprio, ac ex certa scientia, & matura deliberatione nostris, deque Apostolicæ potestatis plenitudine, prædictam Congregationem Cardinalium, & Prælatorum a memorato Innocentio Prædecessore institutam, omnesque, & singulas facultates illis attributas, ut præfertur, tenore præsentium approbamus, & confirmamus, ac Apostolici muniminis præsidio corroboramus.

Confirmat Congregationem præfatum prout in rubrica.

§.4. Præterea prædictis Martio, ac Ulderico, & Marcello Cardinalibus dilectos filios nostros Nicolaum Ludovisium, Aloysium Homodeum, Petrum Othobonum, Laurentium Imperialem, Gibertum Borromæum, Flavium Chisium, Petrum Vidonum, Hieronymum Bonvisium, & Jacobum Presbyteros, Rospigiosum nostrum secundum carnem ex fratre germano nepotem, ac Carolum Barberinum Diaconum ejusdem S. R. E. Cardinales Carolum respective nuncupatos, necnon Venerabiles Fratres Stephanum Ugolinum Patriarcham Constantinopolitanum, Jacobum de Angelis olim Urbinatensem, Franciscum Mariam Phœbeum Tarfenlem, Carolum de Vecchiis Athenarum, & Stephanum Braccacium Adrianopolitanum Archiepiscopos, Mariam Fanum Cyrenensem, & Cammillum Piazzam Dragoniensem Episcopos, ac dilectos filios Magistros Bernardinum Roccium Palatii nostri Apostolici Præfectum, Franciscum Mariam Baranzonum, Mariam Alberitium, Petrum Franciscum de Rubis, & Stephanum de Augustinis in utraque Signatura nostra Referendarios harum serie adjungimus, eosque omnes, & singulos in Congregationem super statu Regularium prædictam adlegimus, & cooptamus.

Clausula præservativa.

§.5. Decernentes easdem præfentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, nec subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam formali, & substantiali defectu notari, infringi, retractari, aut in controversiam vocari, seu ad terminos juris reduci unquam posse: Sicque, & non aliter in præmissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam de latere Legatos, & alios quoslibet quacumque præminentia, & potestate fungentes, & functuros, sublata eis, & eorum cuilibet qua vis aliter judicandi, & interpretandi facultate, & auctoritate, judicari, & definiri debere, ac irritum, & inane, quidquid fecerit super his a quoquam quavis auctoritate scienter, vel ignoranter contigerit attentari.

§.6. Non obstantibus, quatenus opus sit, Contrariis derogat.

fit, nostra, & Cancellaria Apostolica regula de non tollendo jure quaesito, aliisque Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon quorumvis Ordinum, & Congregationum, Societatum, ac Institutorum, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis eisdem Ordinibus, Congregationibus, Societatibus, & Institutis, illorumque Superioribus, & personis, & aliis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis & insolitis clausulis, irritantibus, & aliis decretis in genere, vel in specie, vel alias quomodolibet in contrarium concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum infererentur, presentibus pro plene, & sufficienter expressis, & insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Transumptum fides.

§.7. Volumus autem, ut earumdem presentium literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis eadem ubique fides in judicio, & extra adhibeatur, quae presentibus adhibetur, si forent exhibitae, vel ostensae.

Dat. die 11. Apr. 1668. An.I.

Datum Romae apud S. Petrum, sub Annulo Piscatoris, die 11. Apr. 1668. Pont. nostri Anno I.

LVIII.

Ex Regest. in Secret. Brev.

Damnatio, & Prohibitio Libri versionis Gallicae novi Testamenti Montibus Hannoniae, & Lugduni (ut inscribitur) impressi.

CLEMENS PAPA NONUS

Ad futuram rei memoriam.

Exordium.

Debitum pastoralis officii, quo Ecclesiae Catholicae per universum orbem aucta regimini, divina dispositione praesidemus exigit, ut Sacras Scripturas in ea puritate, in qua per tot secula ingenti divinae bonitatis beneficio conservatae fuerint, illibatas custodire, omni studio, atque vigilantia satagamus.

§.1. Cum itaque, sicut ad aures nostras pervenit, liber quidam versionis Gallicae novi Testamenti, cui titulus est: Le nouveau Testament de nostre Seigneur Jesus Christ traduit en Francois selon l'edition vulgare avec les differences du Grec. Montibus Hannoniae, & Lugduni (ut inscribitur) Typis impressus, ac in lucem editus fuerit, Nos Librum hujusmodi nonnullis Ven. Fratribus nostris S. R. E. Cardinalibus, aliisque viris pietate, doctrina, atque sapientia praestantibus mature quantum rei gravitas postulat discentiendum, atque examinandum commisimus; quorum sententias auditis, atque consideratis, eundem Librum versionis Gallicae novi Testamenti, ut supra, & ubicumque impressum, sive imposterum imprimendum tanquam temerarium, damnosum a vulgata editione praedicta difforem, & offendicula simplicium continentem auctoritate Apostolica tenore presentium damnamus, & prohibemus, ita ut nemo deinceps cujuscumque gradus, & conditionis existat, etiam specialis, & specialissima nota dignus, sub poena excommunicationis latae sententiae ipso facto incurrenda illi legere, retinere, vendere, aut imprimere, vel imprimi facere audeat, vel praesumat; Sed sub eadem poena quicumque illum habent, Locorum Ordinariis, seu Inquisitoribus statim atque presentibus prohibitionis notitiam habuerint exhibere teneantur. In contrarium facientibus non obstantibus quibuscumque.

Damnatur liber ut in rub.

§.2. Ut autem praesentes literae ad omnium notitiam facilius deveniant, volumus, & auctoritate praedicta decernimus, illas ad valvas Basilicae Principis Apostolorum, & Cancellariae Apostolicae, ac in acie Campi Florae de Urbe per aliquem ex Cursoribus nostris publicari, ac illarum exempla ibidem affixa relinqui, illasque publicatas, omnes, & singulos quos concernunt, in Italia quidem post mensem; extra Italiam vero post quatuor menses a die publicationis hic in Urbe faciendae numerandos perinde afficere, & arctare, ac si illorum unicuique personaliter notificata, & intimata fuissent. Ipsarum vero literarum transumptis, seu exemplis, etiam impressis, manu alicujus Notarii publici subscriptis, & sigillo personae in Ecclesiastica dignitate constitutae munitis, eandem fidem in judicio, & extra illud haberi, quae eisdem presentibus haberetur, si forent exhibitae, vel ostensae.

Affigi constitutionem mandata.

Transumptum fides praestanda.

Datum Romae apud Sanctum Petrum, sub Annulo Piscatoris die 20. April. 1668. Pont. nostri Anno I.

Dat. die 20. Apr. 1668. An.I.

Dona-

LIX.

Ex Regest. in Secret. Brev.

Donativum Ordinarium Regni Siciliae pro Rege Catholico.

Ven. Fratri Episcopo Capthaluden.

CLEMENS PAPA NONUS

Ven. Frater salutem, & apostolicam benedictionem.

Expositio.

§.1. Exponi Nobis nuper fecit charissimus in Christo filius noster Carolus Hispaniarum Rex Catholicus, quod cum dilecti filii tres hominum status, seu tria brachia, Ecclesiasticum, Militare, & Demaniale nuncupat, Regni Siciliae ultra Pharam, cujus ipse Carolus etiam Rex existit, quibusdam rationabilibus de causis eorum animos moventibus de mense Februarii proxime praeterito de offerendo eidem Carolo Regi, ac dicti Regni Proregi tunc existenti certas pecuniarum summas, donativum ordinarium nuncupatas sub certis terminis, modoque, & forma exigendas inter se tractaverint, ipsique status obtulerint, ac respective prorogaverint, eidem Carolo Regi subsidium ordinarium hujusmodi scilicet scuta centum quinquaginta millia solvenda spatio trium annorum a fine ultimae concessionis, seu prorogationis similis subsidii incipiendorum ad rationem quinquaginta millium quolibet anno pro defensione, & manutentione dicti Regni; Alia viginti quinquaginta millia infra praedictum triennium solvenda pro munitis Civitatibus, & Terris dicti Regni; Alia viginti quatuor millia scuta pro constructione, & reparatione Pontium ejusdem Regni solvenda infra idem triennium; Alia viginti millia scuta infra idem triennium solvenda pro restauratione Palatiorum Regiorum dictae Insulae, alia scuta decem millia pro restauratione, & custodia Turrium in littore Maris existentium infra idem triennium solvenda cum facultate Deputatis dicti Regni augendi illa usque ad triginta millia scuta in totum, & non ultra, si ita exegerit necessitas; Et alios bis mille quingentos ducatos monetae Hispaniarum annuatim dicto triennio durante, & sic in totum septem millia, & quingentos ducatos monetae hujusmodi pro solvendis afflictibus Domorum, quas in Opido Madriti inhabitant Ministri Consilii Italiae, necnon mille, & trecentas uncias monetae dicti Regni Siciliae pro una vice, quando celebratur Parlamentum generale pro expensis aliquorum Ministrorum, qui assistant, & navant operam in directione, & dispositione ejusdem Parlamenti solvendas, Ven. quoque Fratres Archiepiscopi, Episcopi, & Archimandrita, ac aliae personae Ecclesiasticae dicti Regni certam ratam non excedentem sextam partem solvendorum, ut praemittitur, sponte sua in eisdem Comitibus, accedente tamen ad hoc nostro, & Sedis Apostolicae beneplacito

persolvere obtulerunt, & forsitan, etiam persolverunt.

§.2. Cum autem, sicut eadem petitio subijungebat ex eo praesertim, quod per Lateranen. Concilium novissime celebratum, diversaeque alias Canonicae sanctiones sub certis censuris, & poenis caveatur expresse, ne Reges, Principes, & alii Potentatus ab Archiepiscopis, Episcopis, Abbatibus, & aliis personis Ecclesiasticis etiam sponte offerent., aliquam pecuniarum summam, sive subventionem recipiant, dictus Carolus Rex, ac ejus Regni illius Ministri, necnon dictus modernus Prorex ejusdem Regni dubitent, ratam praedictam ante obtentum beneplacitum Apostolicum recipiendo, censuras, & poenas hujusmodi incurrere, & forsitan incurrisse; Nobis propterea dictus Carolus Rex humiliter supplicari fecerit pro sua, & dictorum Ministrorum, ac Proregis praefati conscientiae quiete, quatenus praemissis nostram, & hujus Sanctae Sedis auctoritatem interponere dignaremur.

Pecur confirmatio Pontificis.

§.3. Nos igitur Romanorum Pontificum Praedecessorum nostrorum, & praesertim fel. rec. Gregorii XIII., Sixti V., Gregorii XIV., Clem. VIII., Pauli etiam V., Gregorii XV., Urbani etiam VIII., Innocentii X., ac Alexandri VII. vestigiis, hac in re inherentes, hujusmodi supplicationibus inclinati, Fraternitati tuae per praesentes committimus, & mandamus, ut confito tibi per legitimas probationes de expresse majoris partis Cleri, seu Archiepiscoporum, Episcoporum, & aliarum Ecclesiasticarum personarum secularium, & cujusvis Ordinis Regularium dicti Regni consensu, & quod reliqui, vel reliquae personae non consentientes vocati, & vocatae fuerint, oblationi, & promissioni, necnon solutioni per Archiepiscopos, Episcopos, & Archimandritam, & alias personas Ecclesiasticas factis pro hac vice tantum nostram, & Sedis praedictae, auctoritatem vigore presentium interponas, ipsosque Archiepiscopos, & Episcopos, & alias personas hujusmodi, etiam si sint de illis, quae pro minori Cleri parte praemissis non consenserint, ad ea tamen vocati, & vocatae fuerint, ad solutionem eorum rate opportunis juris, & facti remediis cogas, & compellas; Et nihilominus Archiepiscopos, Episcopos, & Archimandritam, aliisque Ecclesiasticis personis praedictis, ut ratam hujusmodi per eos, ut praemittitur, oblatam, & promissam persolvere, ac dictus Carolus Rex, & ejus Ministri, dictusque Prorex eam petere, & recipere absque conscientiae scrupulo, seu censurarum, & poenarum praedictarum incurfu, libere, & licite valeant, auctoritate nostra concedas, & indulgeas, ipsosque Archiepiscopos, Episcopos, & Archimandritam, aliasque personas Ecclesiasticas, & earum singulas quatenus ipsi dictam ratam jam promiserint, & solverint, necnon eundem Carolum Regem, ejusque Ministros, & Proregem praedictos, si eandem ratam jam perceperint,

Confirmatio Pontificis praest. in Rubrica.

rint, ab omnibus; & singulis censuris, & pœnis propterea quomodolibet incurfis eadem auctoritate absolvas, & absolutos fore censeas, & declares; Et quod omnes, & singuli pensionarii, seu ii, quibus loco pensionum fructus in totum, vel in partem reservati existunt cujuscumque dignitatis, vel conditionis sint (exceptis tamen S.R.E. Cardinalibus, necnon duabus perpetuis pensionibus annuis, una quidem his mille ducentorum super Cathanien, altera vero pensionibus hujusmodi mille octingentorum scutorum moneta dicti Regni Siciliæ super Mazarien, mensarum Episcopatum respective fructibus, redditibus, & proveniuntibus ad favorem operis pii per clar. mem. Philippum IV. dum vixit earumdem Hispaniarum Regem Catholicum dicti Caroli Regis genitorem in Basilica Sanctæ Mariæ Majoris de Urbe fundati a prædicto Innocentio Prædec. per suas Anno Incarnat. Dominicæ 1647. 9. Oct. desuper sub Plumbo expeditas literas reservatis, ad hujusmodi ratæ solutionem in omnibus, & per omnia perinde ac si nominatim ratam eandem se soluturos obtulissent, clausulis, & decretis in Literis Apostolicis reservationum, pensionum, & fructuum hujusmodi etiam consistorialiter appositis, etiam quod dictæ pensiones ab omni decima, subsidio charitativo, & quovis alio onere tam ordinario, quam extraordinario quavis auctoritate, etiam pro expeditione tam offensiva, quam defensiva contra Turcas, & alios Infideles, & Republicæ Christianæ hostes ab illorum conatibus defensione, seu inexcogetabili causa a Romano Pontifice pro tempore existente, etiam ad Imperatoris, Regum, Ducum, & aliorum instantiam, illorumque contemplatione, & intuitu, etiam motu proprio, & ex certa scientia impositis, & imponendis, aut alias qualitercumque exemptæ sint nequaquam obstant teneantur & efficaciter obstricti sint, ipsique Archiepiscopi, Episcopi, & Archimandrite, aliaque personæ quarum Ecclesiæ, Monasteria, & alia Beneficia Ecclesiastica annuis pensionibus Apostolica auctoritate assignatis, gravata, & onerata sunt, ratam pensionariorum suorum, seu eorum, quibus fructus hujusmodi sunt reservati solvere, & illud quod pro ipsis pensionariis, seu iis, quibus fructus hujusmodi sunt reservati, realiter, ac quacumque fictione cessante persolverint, sua propria auctoritate postmodum penes se retinere possint, nec propterea sententias, censuras, & pœnas in eisdem pensionum reservationibus contentas incurrant, eadem auctoritate decernas.

Contrariis derogat.

§.4. Non obstantibus præmissis, ac quibusvis Constitutionibus, & Ordinationibus Apostolicis, necnon Ecclesiarum, Monasteriorum, & Beneficiorum hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, exemptionibus, immunitatibus, etiam in corpore juris clausis, ac Literis Apostolicis quibusvis generaliter, vel

specialiter concessis, necnon literis reservationum, pensionum, & fructuum hujusmodi, ac quibusvis obligationibus, etiam in forma Camera, etiam cum juramento, ac censurarum, & mandati executivi susceptione, vel alias desuper factis, etiam si de illis, eorumque totis tenoribus de verbo ad verbum mentio, seu quavis alia expressio habenda sit, & in eis caveatur expresse, quod per hujusmodi clausulas generales, etiam mentionem specialem importantes eis derogatum esse non censeatur, aut derogari non videatur nisi certis modo, & forma in illis expressis plene observatis. Quibus omnibus eorum tenores presentibus pro expressis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

§.5. Ceterum volentes providere ne pauperes Ecclesiastici ad contributionem hujusmodi graventur, Te hortamur attente, ac in virtute sanctæ obedientiæ Tibi mandamus, quatenus pauperes Ecclesiasticos, qui in redditibus annuis nihil, aut parum etiam usque ad valorem decem unciarum scuta viginti quinque moneta illius Regni constituen. inclusive habent, ad contributionem prædictam per quoscumque quavis auctoritate fungentes cogi, aut compelli nullo modo permittas.

§.6. Volumus autem, quod exactio pecuniarum hujusmodi ab Ecclesiasticis, per personas Ecclesiasticas a dicto Carolo Rege, seu Prorege prædicto nominandas, & per Te deputandas fieri debeat, invocato etiam ad hoc, si opus fuerit, auxilio brachii secularis, quod si secus in aliquo factum fuerit, qui contraverint in pœnas, & censuras incurrant, perinde ac si præsentibus literæ non emanassent, quodque etiam præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides in judicio, & extra in omnibus, & per omnia adhibeatur, quæ ipsis presentibus adhiberetur, si forent exhibitæ, vel offensæ.

Datum Romæ apud Sanctum Petrum, sub Annulo Piscatoris die 16. Maii 1668. Pontificatus nostri Anno I.

LX.

Privilegia, Indulta, Gratiæ, Facultates, & Exemptiones nonnullis Sanctitatis Sæc. Familiaribus concessa.

CLEMENS PAPA NONUS

Ad perpetuam rei memoriam.

Venerabilibus Fratribus Stephano Ugolino Constantinopolitano, & Jacobo Aiovito Antiocheno Patriarchis, ac Francisco Nerlio Florentino Literarum nostrarum in scrinia Brevis ad Principes Secretario. Jacobo

Pauperibus Ecclesiasticis providet.

Mandat exactorem fieri per de. uatos Ecclesiasticos

Transumptum fides.

Dat. die 16. Maii 1668. An. I.

quod de Angelis olim Urbinatensi. Francisco Maria Phabeo Tharsensi, & Bernardino Roccio Damasceno Archiepiscopis, Palatii nostri Apostolici: necnon Emilio Alvarez olim Camerinesi, Cubiculi nostri; & Ambrosio Landuccio Porphyriensi Episcopo, Sacrarii nostri respectiue Præfatis, ac dilectis filiis Magistris Francisco Maria Astaldo Urbinatensi, Joanni Muto de Papazurris Romano, Bernardino Calasio Romano, Honaphrio de Hippolytis Pistoriensi, Nestori Rita Reatino Auditori nostro, Jacobo Elephantatio Ravennatensi, Camera nostra Apostolica Commissario generali, Francisco Bonifacio Lucano, Stephano de Augustinis Foroliviensi, Eleemosynario secreto, Joanni Baptista Rubino Veneto, Savo Militino Romano, & Christophoro ab Atria Januensi, in utraque Signatura Referendariis, Præfatis domesticis nostris, necnon Silvestro Vannino Romano Pincerne, Joanni Vincentio Arata Panormitano Vestriario, Paulo de Serrada Clerico conjugato Romano Archirictino, Jordano Hilling Rigeni, & Ludovico Lentio Romano, Cubiculariis intimis, ac Antonio Capellino Sabinesi, Francisco Polino Camerinesi, Joanni Nicolao Piccolomineo Senensi, Libellorum Supplicum Nobis porrectorum Secretario, Joanni Angelo ab Altemps Romano, Guilielmo Baroni de Fursenberg Vespbalo, & Mario Spinula Januensi, Cubiculariis secretis nostris, ac Theodoro Cellesio Pistoriensi, Fratri Militi Hospitalis S. Joannis Hierosolymitani, Arnaldo Riccio Firmiano Subdatario, Joanni Gualtero Slasio Leodiensi Officiali Brevium nostrarum Secretorum, Benedicto Rita Clerico conjugato Reatino, Medico secreto, Riccardo Cruciano Camerinesi Candidatario, Petro Massarino Firmiano Crucifero, Gallieno Conocio Hydruntino, & Joanni Biffaiga Vercellensi, Cappellaniis secretis nostris, ac Emilio de Cavalieri, & Marebioni Antonio Sanctacrucio Romanis, Equitum levis armaturæ custodia corporis nostri Capitaneis, Francisco Ceriolo Cremonensi Magistro Domus nostra, Francisco Guilmio Namurcensi, & Blasio Egidio Sabinesi respectiue Civitatum, vel Dioecesium clericis, seu presbyteris, ac Evangelista Guidotto Romano clerico conjugato, Cubiculi nostri Adjutoribus, & Federico Cavallo Aretina Dioecesis Subvestiario nostro, Familiaribus continuis Commensalibus nostris salutem, & Apostolicam benedictionem.

Causa concessiois.

§.1. Circumspecta Romani Pontificis gratiarum dispensatoris providentia devotos, & fideles suos, illos præsertim, qui grata familiaritatis obsequia jugiter ei impendunt, ac quos ad id alias propria virtutum merita commendant, honoris, & famæ amplioribus præconiis, ac præclaris dignitatibus titulis decorare, & ornare, necnon specialis benevolentia favoribus amplecti solet, prout personarum qualitatibus conspicit convenire. Hinc est, Bull. Rom. Tom. VI. Par. VI.

quod Nos ad grata familiaritatis obsequia, quæ vos, qui etiam continui Commensales nostri existitis, & quilibet vestrum Nobis hæcenus impendistis, & adhuc sollicitis studiis impendere non desistitis, necnon ad vitæ, ac morum honestatem, aliaque laudabilia probitatis, & virtutum merita, quibus personas vestras, etiam Familiari experientia juvari percepimus, condignam rationem habentes, ac propterea eadem personas vestras peculiaris favore gratiæ, ac specialis honoris, & excellentiæ dignitatis titulo sublimare volentes, vosque, & quemlibet vestrum a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine quavis occasione, vel causa latæ, si quibus quomodolibet innodati existitis, ad effectum præsentium dumtaxat consequendum harum serie absolventes, & absolutos fore censentes.

Notarios creat.

§.2. Motu proprio, non ad vestram, vel alterius pro vobis super hoc oblata petitionis instantiam, sed de mera liberalitate, & certa scientia nostris, ac de Apostolicæ potestatis plenitudine, vos, & quemlibet vestrum respectiue in nostros, & Sedis Apostolicæ Notarios (sine tamen præjudicio dilectorum filiorum Notariorum de numero participantium) Apostolicæ auctoritate, tenore præsentium recipimus, ac Sacri Palatii, & Aula Lateranensis Comites, necnon auratæ Militiæ Equites, ac Nobiles Romanos, & Urbis Romæ, ac Civitatum Avenionensis, Bononiensis, Ferrariensis, & Beneventanæ, omniumque, & singularum aliarum Civitatum, Terrarum, & Locorum Romanæ Ecclesiæ mediate, vel immediate subsectorum Cives cum omnibus juribus, jurisdictionibus, prerogativis, & insignibus debitis, & consuetis creamus, ac constituimus, ac in numerum, & consortium aliorum nostrarum, & ejusdem Sedis Notariorum, necnon Palatii, & Aula hujusmodi Comitum, Equitum, & Nobilium Romanorum, aliorumque Civium, Civitatum, & Terrarum prædictarum referimus, & conscribimus.

Comites, & Milites

§.3. Vobisque etiam si habitum, & rochetum Notariorum dictæ Sedis juxta decreta Lateranensis Concilii novissime celebrati non deferatis, aut Civitates hujusmodi non incolueritis, nec unquam in eisdem Civitatibus domicilium habueritis, ut omnibus, & quibuscumque privilegiis, facultatibus, exemptionibus, immunitatibus, libertatibus, favoribus, gratiis, & indultis, quibus ceteri omnes Notarii nostri, etiam de numero participantium, ac Comites, Equites, & Nobiles (citra tamen exemptiones a Sacro Concilio Tridentino sublatas; itaut nedum quoad criminalia, sed etiam quoad civilia subiaceatis Ordinariis, & citra facultates legitimandi, ad gradus promovendi, Notarios, seu Tabelliones creandi, aliaque hujusmodi privilegia a Notariis, & Comitibus præfatis prætensa, itaut illis nullibi uti valeatis; ac irritum, K k & ina-

& inane existat, quicquid fecus per vos, aut quemlibet vestrum respective attentari contigerit necnon Cives originarii, etiam dignitatum, beneficiorum, & officiorum ecclesiasticorum, ac secularium, etiam ex personis Romanorum Civium originarium vacantium assequutione, & exercitio tam in Urbe, quam in omnibus, & singulis Civitatibus praedictis, & alias ubique locorum, & gentium, necnon sessionum, & Conventuum utuntur, potiuntur, & gaudent, ac uti, potiri, & gaudere poterunt quomodolibet in futurum; non solum ad eorum instar, sed pariformiter, & aequae principaliter, ac si privilegia, facultates, exemptiones, gratiae, & indulgentiae hujusmodi pro vobis emanassent, uti, potiri, & gaudere, ac in omnibus, & singulis Apostolicis, aliisque literis, instrumentis, & scripturis publicis, & privatis deinceps nomine vestro conficiendis, vos Notarios, Comites, Equites, & Nobiles, ac de nobili genere ex utroque parente procreatos, nec non Romanos, & aliarum Civitatum, & Terrarum Cives prout libuerit inscribere, & vos illis subscribere valeatis, ac pro veris, & non fictis Notariis, Comitibus, Equitibus, & Nobilibus, ac Civibus habeamini, nihilque, quaecumque illud fuerit cum illis subscriptionibus, subreptitium, aut obreptitium, vel invalidum, sed illud idem efficax in omnibus censeatur, necnon honoris causa insignia gentis nostrae, sive integre, sive cum vestris respective composita gestare possitis, prout vobis placuerit concedimus.

Bona eorum ab oneribus eximit.

§.4. Et insuper vos, vestraque beneficia, & officia ecclesiastica quaecumque, quotcumque, & qualiacumque, illorum fructus, res, & jura ubicumque Locorum, Regnorum, & Provinciarum, necnon in Urbe, Civitatibus, Terris, & Locis eisdem Romanae Ecclesiae mediate, vel immediate subjectis consistentia praedia, domos, possessiones, & bona patrimonialia, aliaque temporalia mobilia, & immobilia, ac femoventia, necnon actiones, & jura praesentia, & futura, cujuscumque qualitatis, quantitatis, & naturae, & cujuscumque annui valoris fructus, redditus, & proventus hujusmodi sint, vel fuerint, ac etiam quaecumque a vobis vendenda, ac pro vestris, & familiarum vestrarum usibus emenda ab omnibus, & quibuscumque decimis, quartis, & dimidiis partibus, subsidiis, etiam charitativis, necnon vectigalibus, portoriis, tributis, datis, pedagiis, collectis, & quocumque alio nomine nuncupatis angariis, parangariis, caterisque oneribus, & contributionibus, tam urbanis, quam rusticis, ordinariis, & extraordinariis, realibus, personalibus, & mixtis, etiam ratione munitionum mœnium, & pontium, portarum, & molinarum, & mercium cujuscumque generis transitus, seu passus, & vecturae, etiam in aliud Territorium, seu Provinciam terra, mari, & flumine, necnon equorum mortuorum, stabulationum, militum, institutionis Seminarum Ec-

clesiastici, aut quaecumque alia, quantumvis gravi, & gravissima causa (pro subventionem contra infideles dumtaxat excepta) nunc, & pro tempore impositis, ita quod vos, & quilibet vestrum nihil omnino horum, & aliorum similium subire, teneamini, nec per Camerae Apostolicae, aut alios Commissarios, seu vestigalium, & tributorum hujusmodi redemptores, conductores, & exactores quocumque privilegio, exemptione, & facultate sussultos, alias quam, ut praefertur, valeatis coarctari (quamdiu servitis nostris institutis dumtaxat) eximimus, & liberamus.

§.5. Ad haec vobiscum, & cum quolibet vestrum respective, ut quaecumque duo dissimilia, vel simplicia similia sub singulis tribus testibus quorumcumque trium Cathedralium, etiam Metropolitanarum, aut aliarum, etiam Collegiarum Ecclesiarum consentientia, etiam si unum ex illis omnibus cum cura, aut dignitas, etiam major, & principalis, canonicatus, & praebenda, personatus, administratio, vel officium fuerit, & ad dignitatem, personatum, administrationem, vel officium hujusmodi consueverit quis per electionem assumi, eique cura etiam jurisdictionalis imminet animarum, si alicui vestrum alias canonicè conferatur, aut quicquid vestrum eligatur, praesentetur, aut alias assumatur ad illa, & instituat in eis, recipere, & dummodo illa omnia (uno excepto) personalem residentiam non requirant, insimul quoad vixeritis retinere, nec non etiam quamdiu Nobis inservieritis tantum, in beneficiis Ecclesiasticis, etiam curatis, non tamen Parochialibus, nec curatis cura animarum Parochianorum, per vos pro tempore respective obtentis, etiam de jure, statuto, fundatione, vel privilegio personalem residentiam requirantibus, etiam si dignitates in Cathedralibus, etiam Metropolitanis majoris, ac Collegiatis Ecclesiis hujusmodi principales fuerint, personaliter residere non teneamini, nec ad id per locorum Ordinarios, aut Ecclesiarum earundem Capitula, seu quosvis alios ad residendum interim in illis inviti compelli possitis, omnesque, & singulos vestrorum beneficiorum obtentorum fructus, redditus, & proventus durante servitio praedicto cum ea integritate (distributionibus quotidianis dumtaxat exceptis) cum qua illos perciperetis, si in eisdem Ecclesiis, sive locis personaliter resideretis, percipere, exigere, & levare.

Super residentia dispensat.

§.6. Ac interim, vel postmodum si volueritis, hic in Romana Curia, vel extra eam a quocumque, quem malueritis Catholico Antistite gratiam, & communionem ejusdem Sedis habente, quem duxeritis eligendum, ad omnes, etiam sacros, & presbyteratus ordines aliquibus tribus Dominicis, vel aliis Festivis diebus, etiam extra tempora a jure statuta, proprii Ordinarii, aut cujuscumque alterius licentia desuper minime requisita, si alias ad id idonei reperti fueritis, super quo Antistitis conscientiam

Facultate recipiendi Ordines Sacros concedit.

onoremus, promoveri, & promoti in illis etiam in Altaris ministerio ministrare.

§.7. Necnon, etiam si Presbyteri fueritis, ac dignitates, & officia obtinueritis, leges, & jura civilia etiam publice in scholis, & universitatibus studiorum generalium ad quinquennium dumtaxat, dummodo trigessimus aetatis annus non exceperitis, audire, & si habiles, & sufficientes reperti fueritis, etiam ad Doctoratus gradum in hujusmodi facultate vos promoveri facere, ipsaque jura etiam publice docere, atque Judicis, Advocati, & Procuratoris officium in causis ecclesiasticis civilibus tantum exercere libere, & licite possitis, & valeatis, auctoritate, & tenore praedictis de specialis dono gratiae dispensamus.

Licentia eligendi confessorium.

§.8. Liceat quoque vobis, & cuilibet vestrum alicum idoneum, & approbatum ab Ordinario Presbyterum secularem, vel cujusvis Ordinis regularem in vestrum eligere Confessorem, qui vita cujuslibet vestrum comite vos, & quemlibet vestrum a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latitis, & per vos incuris, & quibus vos etiam Apostolica auctoritate illaqueari contigerit, etiam si absolutio Nobis, & Successoribus nostris Rom. Pontificibus pro tempore existentibus specialiter, vel generaliter reservata existat, & quorumcumque votorum, & Ecclesiae praepceptorum transgressionibus, homicidio casuali, manuum violentarum in quasvis personas etiam ecclesiasticas (non tamen Episcopos, vel alios Superiores Praelatos) de praeterito injectionibus, seu consiliis, vel favoris ad id praestationibus, jejuniorum omissionibus (non tamen recitationis horarum Canonicarum, aliorumque divinarum Officiorum) & denique ab omnibus, & quibuscumque aliis vestris peccatis, criminibus, & excessibus, ac delictis quantumcumque gravibus, & enormibus, etiam talibus, propter quae Sedes praedicta merito consulenda foret, videlicet a contentis in literis die Coenae Domini publicari consuetis, semel tantum in vita, & mortis articulo; in reliquis vero dictae Sedi quomodocumque reservatis, aliisve quibusvis casibus, semel in anno confessionibus vestris diligenter auditis (sine tamen alicujus praedicti) auctoritate Apostolica absolvere, & vobis pro commissis poenitentiam injungere salutarem; necnon vota quaecumque (ultramarino, visitationis liminum BB. Apostolorum Petri, & Pauli, castitatisque, & religionis votis dumtaxat exceptis) in alia pietatis opera commutare valeat.

Indultum transferendi pensiones.

§.9. Vobisque ulterius, & cuicumque vestrum respective, ut quicumque loci Ordinarii, vel Canonici Metropolitanarum, seu aliarum Cathedralium Ecclesiarum, aut personae in dignitate ecclesiastica constitutae tam in dicta Curia, quam extra Bull. Rom. Tom. VI Par. VI.

eam ad id per vos respective coram Notario, & Testibus fide dignis eligendi, seu eligenda, quascumque pensiones annuas vobis super Mensarum Abbatialium, seu Capitularium, ac Episcopatum, & Archiepiscopatum, ac quorumcumque aliorum Beneficiorum Ecclesiasticorum cum cura, & sine cura secularium, & quorumvis Ordinum, & Militiarum regularium, etiam Hospitalis S. Joannis Hierosolymitani praedicti, quomodocumque, & qualitercumque qualificatorum fructibus, redditibus, proventus, juribus, obventionibus, & distributionibus, etiam quotidianis, seu illarum loco fructus, redditus, proventus, jura, obventiones, distributiones, & emolumenta vobis nunc, & pro tempore assignata, & reservata, ac reservanda, pro summa videlicet trecentorum ducatorum auri de Camera quoad singulos vestrum, quomodocumque alicui vestrum respective placuerit, simul, vel successively, in toto, vel in parte, etiam in cujuslibet vestrum mortis articulo cassare, & extinguere, ac postquam cassata, & extincta fuerint, alias similes pensiones annuas super eisdem fructibus, redditibus, proventus, juribus, obventionibus, distributionibus, & emolumentis hujusmodi usque ad summam, & quantitatem praedictam uni, vel pluribus aliis personis, etiam per vos nominandis, etiam quaecumque, quotcumque, & qualiacumque Beneficia Ecclesiastica obtinentibus, & expectantibus, clericis, seu clericali charactere insigniri volentibus, etiam eis quoad vixerint, seu eorum Procuratoribus ad id speciale ab eis mandatum habentibus, iisdem modo, & forma, quibus vobis assignata, & reservata, seu assignata, & concessa fuerint respective, etiam absque consensu eandem pensionesolvere debentium, etiam si illas, vel illa alias cassari, & reservari de novo faciendi facultatem non habueritis, ac pensiones, & fructus, redditus, proventus, jura, & obventiones, ac distributiones, & emolumenta hujusmodi etiam pluries cassata, & de novo assignata fuerint, usque ad summam, & quantitatem praedictam, etiam literis Apostolicis super reservationibus, & assignationibus hujusmodi non confectis, ac alias cum omnibus, & quibuscumque, exemptionibus, privilegiis, decretis, clausulis, cautionibus, vinculis, obligationibus, & cautelis, ac etiam censuris, & poenis in prioribus reservationibus hujusmodi concessis, & contentis, necnon cum subrogatione in quibusvis vestris juribus, etiam quoad quasi possessionem exigendi, in qua tunc eritis, integre persolvendas, servata tamen forma Constitutionis fel. rec. Urbani PP. VIII. Praedecessoris nostri quoad excessum medietatis fructuum, reservare, constituere, & assignare valeant, auctoritate, & tenore praedictis de speciali gratia indulgemus.

Facultas eligendi.

§.10. Necnon etiam vobis, ut de omnibus, & singulis domibus, praediis, possessionibus, terris, & locis, ac jurisdictionibus, K k 2 bus,

bus, ceterisque bonis mobilibus, & immobilibus, que tamen non sint altaris, seu altarium Ecclesiarum vobis commissarum, ministerio, seu alicui speciali earumdem Ecclesiarum divino cultui, seu usui deputata, seque moventibus, cuiuscumque qualitatibus, quantitatis, valoris, speciei, pretii, & conditionis existentibus, ac iuribus, & actionibus ad vos ratione Ecclesiarum, etiam Cathedralium, & Metropolitanarum, quibus vos forsan preesse contigerit, nec non Monasteriorum, Prioratum, Præpositurarum, Dignitatum, & aliorum quorumcumque beneficiorum Ecclesiasticorum cum cura, & sine cura, secularium, & quorumvis Ordinum regularium, que etiam ex quibusvis concessionibus, & dispensationibus Apostolicis in titulum, commendam, administrationem, ac alias quomodolibet obtinueritis, obtinetis, & obtinebitis, ac fructuum, reddituum, & proventuum Ecclesiasticorum loco pensionum annuarum super similibus fructibus, redditibus, & proventibus vobis reservatorum, & assignatarum, ac referendorum, & assignandarum, quos, & quas perceperitis, percipitis, & percipietis in futurum, necnon emolumentorum quorumcumque Romanæ Curie officiorum, & alias quomodolibet spectantibus, & pertinentibus, ac etiam de dictis proventibus, fructibus, redditibus, & pensionibus annuis, necnon vestra, & cuiuslibet vestrum industria, & labore quomodolibet, & undecumque, licite tamen, acquisitis, & acquirendis, ac alias etiam de muneribus, & officiis, que exercueritis, & vos exercere contigerit, & alia quavis occasione, vel causa, seu contemplatione ad vos perventis, & perventuris, etiam si in pecunia numerata, & jocalibus, gemmis, aliisque pretiosioribus rebus consistant, tam in dicta Curia, quam extra eam, ubique locorum, etiam penes beneficia ipsa existentibus (quorum omnium qualitates, & veros etiam annuos valores, etiam si talia forent, que generali appellatione bonorum, & supellectilium non venirent, sed specialibus indigerent vocabulis, presentibus ac si specificis, & singillatim exprimerentur, & denominarentur, pro sufficienter expressis, ac declaratis haberi volumus) usque ad summam sex millium ducatorum auri de Camera, ac etiam de ipsis fructibus, redditibus, & proventibus, & pensionibus debitis, & debendis, servata tamen forma Constitutionum Apostolicarum jam editarum, & si quas deinceps edi contigerit super fructibus inexactis, etiam cumulative cum quibusvis aliis similibus, vel dissimilibus facultatibus habitis, & habendis, tam pro decentibus, & honestis impensis funebribus, quam etiam pro remuneratione illorum, qui vobis viventibus servierint, etiam ultra servitii meritum, ac in vestrorum, consanguineorum, & affinium, ac quorumcumque piorum locorum favorem, & usum ac alias pro arbitrio, & voluntate vestris, & cuiuslibet vestrum absolutis testari, &

testamento, codicillis, fideicommissis, legatis, donationibus, tam inter vivos, quam causa mortis, & aliis quibuscumque modis, & titulis, scriptura etiam minus solemniter coram duobus, vel tribus testibus, aut etiam cedula sola manu vestra scripta, vel subscripta, & alias in omnibus, & per omnia prout, & quomodolibet vobis videbitur, etiam in ipsa Curia, & in mortis articulo, etiam nulla facta mentione presentis, vel aliarum vobis pro tempore concessarum, similibus facultatum, aut quod in vim illarum testari, seu disponere velitis, & intendatis, semel, atque iterum, aut pluries disponere, statuere, & ordinare, ita ut quid quid testatum, gestum, aut ordinatum, seu alias dispositum a vobis fuerit, etiam in vim simplicis distributionis, ac alias omni meliori modo valeat, & servari debeat, ipsaque testamenta, codicillos, dispositiones, ordinationes, legata, & statuta pluries, ac toties quoties vobis videbitur moderari, limitare, ac etiam in totum revocare, & alia de novo condere libere, & licite valeatis, auctoritate Apostolica earumdem tenore presentium plenam, & liberam concedimus facultatem.

§. 11. Et insuper statuimus, & ordinamus, vobisque indulgemus, quod si vos ab intestato, & sine ulla, vel minus valida, honorum, & rerum, ac fructuum, reddituum, & proventuum predictorum dispositione in dicta Curia, vel extra eam, tam continua, quam interpolata inibi cuiuslibet vestrum respective mansione, ac etiam extra beneficia vestra, vel alia loca debite a vobis residentie personalis, etiam nulla subsistente causa, ab humanis decedatis, omnia, & singula bona, res, & jura etiam, ut præfertur, qualificata, necnon spolia cuiuscumque quantitatis, & valoris existentia, etiam ex predictis, & alias undecumque provenientia, ad Camera Apostolicam, seu in dictis beneficiis successoribus non pertineant, sed ad heredes vestri sanguinis integre deveniant, & illis deficientibus inter familiares vestros arbitrio personæ, seu personarum, quas ad id scripto nominaveritis, distribuantur, nisi de alia dispositione, vel intentione vestra scriptura, etiam minus solemniter, secus appareret, quam tunc velut efficacem ipsæ personæ, vel alii Judices, seu Executores omnino exequi, & adimplere, illique sese conformare in omnibus, & per omnia debeant. Et nihilominus quecumque huiusmodi testamenta, legata, donationes, dispositiones, & alia forsan a vobis etiam, nulla, aut minus sufficienti facultate sufficientis, de huiusmodi bonis, iuribus, & actionibus, fructibus, pecuniis, jocalibus, aliisque rebus supradictis, etiam in favorem consanguineorum, & affinium predictorum, & alias quomodolibet facta, cum omnibus inde sequentibus, ac etiam ea, que per vos in futurum fient, ex nunc prout ex tunc, & e contra pro dicta summa sex millium ducatorum approbamus, & confirmamus, omnesque, & singulos juris, & facti,

Supplementum defectuum.

ac solemnitatum omittarum, & omittendarum, necnon substantiales, aliosque defectus quoscumque, si qui intervenerint aut intervenerint in eisdem, etiam si tales sint, vel fuerint, quod specialis, specifica, & expressa de illis mentio presentibus habenda esset, supplemus.

Inhibicio contra molestantes.

§. 12. Districtius inhibentes quibusvis Archiepiscopis, Episcopis, aut aliis Ecclesiarum Prælatibus, necnon Camera prædicta Præsentibus, & Clericis, ac eorum, necnon Fabricæ Basilicæ Principis Apostolorum de Urbe, ac Cruciatæ Sanctæ, & aliis Collectoribus, & Subcollectoribus, ceterisque cuiuscumque dignitatis, status, gradus, & conditionis existentibus, etiam quavis auctoritate, & potestate fungentibus, sub excommunicationis majoris, aliisque Ecclesiasticis sententiis, censuris, & poenis, ne Universitates, Collegia, ac loca, & legatarios, hæredes, & personas, necnon testamentorum, voluntatum, & ordinationum huiusmodi Executores prædictos directe, vel indirecte quovis quæsito colore, vel ingenio molestare audeant quoquo modo, vel perturbare.

Clausula præservativa.

§. 13. Ac decernentes prædicta omnia, & singula, presentibus literas, & testamenta, donationes, codicillos, fideicommissa, legata, ordinationes, derogationes, dispositiones, & alia quæcumque, necnon que in præmissis facta sunt, aut fieri contigerit, tam vigore presentis, quam etiam aliarum concessionum vobis factarum, ac deinceps in genere, & in specie faciendarum, cum inde sequentibus, & sequentibus, etiam si vos intra Curiam, aut in quacumque alia mundi parte extra Ecclesias, & beneficia personalem residentiam requirentia qualitercumque qualificata per vos nunc, & pro tempore obtenta, etiam pro vestra sola voluntate, & nulla subsistente causa non residenti, ab humanis decedere contigerit, sub literis rec mem. Pii Papæ IV. Prædecessoris nostri contra quoscumque Episcopos, Archiepiscopos, & alios Prælatos, necnon Parochialium Ecclesiarum Rectores, ceterosque residentie personalis prædictæ adstrictos extra illam quomodocumque decedentes, septimo Kalendarum Decemb. Pontificatus sui Anno V., aut alio veriori tempore emanatis, & sub quibuscumque aliis Constitutionibus, aut revocationibus, suspensionibus, limitationibus, modificationibus, decretis, declarationibus Apostolicis, Cancellariæ Apostolicæ regulis, ex quibuscumque causis quantumcumque maximis, urgentibus, & inexcogitabilibus, etiam in favorem fidei, & divini cultus augmentum, ac consistorialiter, etiam a Nobis, & Sede prædicta hæctenus, vel nunc, & pro tempore factis, & editis minime comprehendendi, sed semper ab illis excepta, & quoties emanata fuerint, toties in pristinum, & validissimum statum, & etiam sub data posteriori, etiam cum derogationibus, & clausulis etiam derogatoriis derogatoriis, irritantibusque & aliis decretis per vos eligenda apponen-

dis, & latissime specificandis, reposita, restituta, & plenarie reintegrata, ac de novo concessa, validaque, & efficacia fore necnon perpetua firmitate subsistere, suoque plenarios, & omnes effectus, qui de jure, stylo, consuetudine, aut alias quomodocumque fortiri poterunt, ac vim veri, legitimi, jurati, stipulati, validi, & efficacis contractus inter vos ex una, ac Nos, & Camera prædictam ex altera partibus habere, nec etiam per promotionem ad Ecclesiam Cathedralis, etiam Metropolitanam, aut translationem, vel aliam status, & personæ vestre mutationem, nec per similes, vel dissimiles gratias vobis concessas, & concedendas confundi, sed ipsis cumulative in omnibus, & per omnia uti, & si quid in una ex facultatibus huiusmodi defecerit, per aliam suppleri debere, nec hæredes, legatarios, ac loca, ad quos, seu que bona, jura, & actiones devenerint, vel quibus relinquuntur, aut Executores prædictos ad tertiam, seu aliam eorum partem, quam etiam ex nunc vobis, ac locis, hæredibus, legatariis, ac donatoriis prædictis liberaliter concedimus, & donamus, Camera, vel Fabricæ, aut beneficiis prædictis, etiam pro expeditione contra Infideles, & quibusvis aliis quantumlibet piis usibus solvendum, ac cum iis desuper componendum, vel vos ad aliam particularem licentiam, sive indultum, aut confirmationem presentium a Nobis, vel Successoribus nostris Romanis Pontificibus petendum, aut impetrandum, vel etiam in alia simili gratia, seu confirmatione illius vobis quomodocumque concedenda, de presentibus mentionem aliquam faciendum minime teneri, nec ad id ulla unquam necessitate cogi posse.

Clausula sublata.

§. 14. Et sic in præmissis omnibus, & singulis per quoscumque Judices ordinarios, & delegatos, etiam causarum Palatii Apostolici Auditores, & eisdem Sanctæ Romanæ Ecclesiæ Cardinales, necnon pro tempore existentes dictæ Camera Camerarium, Præsidentes, & Clericos in quavis causa, & instantia, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane si secus super his a quocumque auctoritate scienter, vel ignoranter contigerit attentari.

Executores deputat.

§. 15. Quocirca Venerabilibus Fratribus nostris Ostiensi, & Portuensi Cardinalibus Episcopis, & dilecto filio Curie causarum Camera Apostolicæ Generali Auditori, per Apostolica scripta mandamus motu simili, quatenus ipsi, vel duo, aut unus eorum, per se, vel alium, seu alios presentes literas, & in eis contenta quæcumque ubi, & quando opus fuerit, ac quoties pro parte vestra desuper fuerint requisiti, solemniter publicantes, vobisque in præmissis efficacis defensionis præsidio assistentes, faciant auctoritate nostra easdem presentes literas, & in eis contenta huiusmodi firmiter observari, ac vos illis omnibus